

後
漢
書

四



帝紀卷第七

范曄

後漢書七

唐章懷太子賢注

孝栢皇帝

孝

淵聖
御名

皇帝諱志

謚法曰克敵服遠
曰栢志之字曰意

肅宗曾孫

也祖父河間孝王開父蠡吾侯翼

順帝時
開上書

願分蠡吾縣以封翼帝許之蠡吾
故城在今瀛州博野縣西蠡音禮

母匱氏

諱明
本蠡

吾侯之媵妾史記曰匱
姓咎繇之後也匱音偃

翼卒帝襲爵爲侯本

初元年梁太后徵帝到夏門亭

洛陽城北面
西頭門也門

外有萬壽亭

將妻以女弟

妻音七
計反

會質帝崩太

后遂與兄大將軍冀定策禁中閏月庚寅

使冀持節以王青蓋車

續漢志曰皇太子皇子皆安車朱班輪青

蓋金華蚤故曰王青蓋車也

迎帝入南宮其日即皇帝位

時年十五太后猶臨朝政

東觀記曰大后御郤非殿

秋七

月乙卯葬孝質皇帝于靜陵

在洛陽東南三十里陵高

五丈五尺周百三十八步

齊王喜薨辛巳謁高廟光武廟

丙戌詔曰孝廉廉吏皆當典城牧民禁姦

舉善興化之本恒必由之詔書連下分明

懇惻而在所翫習遂至怠慢選舉乖錯害

及元元頃雖頗繩正猶未懲改方今淮夷

未殄軍師屢出

本初元年廬江賊攻盱台廣陵賊張嬰等殺江都長盱台江都

並近淮故言淮夷時中郎將滕撫屢擊破之其餘衆猶未殄也

百姓疲悴困於

徵發庶望羣吏惠我勞民蠲滌貪穢以祈

休祥其令秩滿百石十歲以上有殊才異

行乃得參選臧吏子孫不得察舉杜絕邪

僞請託之原令廉白守道者得信其操

音信

申古字通

各明守所司將觀厥後九月戊戌追

尊皇祖河間孝王曰孝穆皇夫人趙氏曰

孝穆皇后皇考蠡吾侯曰孝崇皇及十月

甲午尊皇祖母匱氏爲孝崇博園貴人

博本漢蠡

吾縣之地也帝既追尊父爲孝崇皇其陵曰博陵置園廟焉故曰博園在今瀛州博野縣西貴人位次皇

后金印

建和元年春正月辛亥朔日有食之

詔三公九卿校尉各言得失戊午大赦天

下賜吏更勞一歲男子爵人二級爲父後

及三老孝悌力田人三級鰥寡孤獨篤癯

貧不能自存者粟人五斛貞婦帛人三匹

災害所傷什四以上勿收田租其不滿者

以實除之二月荆揚二州人多餓死遣四

府掾分行賑給沛國言黃龍見譙夏四月

庚寅京師地震詔大將軍公卿校尉舉賢

良方正能直言極諫者各一人又命列侯

將大夫御史謁者千石六百石

將謂五官左右虎賁羽林

中郎將也大夫謂光祿大夫太博士議郎郎官

各上封事拍陳得失

博士掌通古今比六百石議郎比六百石郎官謂三

中郎將下之屬官也又詔大將軍公卿郡國

有中郎侍郎郎中舉至孝篤行之士各一人壬辰詔州郡不

得迫脅驅逐長吏長吏臧滿三十萬而不
糾舉者刺史二千石以縱避爲罪若有擅
相假印綬者與殺人同弃市論丙午詔郡
國繫囚減死罪一等勿笞唯謀反大逆不
用此書又詔曰比起陵塋作靜陵也彌歷時歲
力役旣廣徒隸尤勤頃雨澤不沾密雲復
散儻或在茲易曰密雲不雨自我西郊其令徒作陵者減
刑各六月是月立阜陵王代兄勃適亭侯
便爲阜陵王便光武玄孫也阜陵王恢之子以順帝陽嘉中封爲敷道亭侯今改封也

道音子由反本傳作便
親紀傳不同蓋有誤

郡國六地裂水涌井溢

續漢志曰水溢壞城寺室屋殺人時
梁太后攝政兄舅枉殺李固杜喬

芝草生中

黃藏府

漢官儀曰中黃藏府掌
中幣帛金銀諸貨物也

六月太尉胡

廣罷大司農杜喬爲太尉秋七月勃海王

鴻薨

章帝曾孫也樂安夷王寵之子
質帝之父也梁太后改封勃海

立帝弟蠡

吾侯慄爲勃海王乙未立皇后梁氏九月

丁卯京師地震太尉杜喬免冬十月司徒

趙戒爲太尉

戒字志伯
蜀郡人也

司空袁湯爲司徒前

太尉胡廣爲司空十一月濟陰言有五色

大鳥見于已氏

續漢志曰時以爲鳳皇政旣衰缺梁冀專權皆羽孽也已氏縣

名屬濟陰郡故城今宋州楚丘縣也古戎州已氏之邑也

戊午減天下死罪

一等戍邊清河劉文反殺國相射嵩欲立

清河王蒜爲天子事覺伏誅蒜坐貶爲尉

氏侯徙桂陽自殺

尉氏縣屬陳留郡今汴州縣也

前太尉李

固杜喬皆下獄死

續漢志曰順帝之末京都童謡曰直如弦死道邊曲如鉤

反封侯曲如鉤謂梁冀胡廣等直如弦謂李固等

陳留盜賊李堅自稱

皇帝伏誅

東觀記曰江舍及李堅等

二年春正月甲子皇帝加元服庚午大赦

天下賜河間勃海二王黃金各百斤

河間王建勃海

王彭城諸國王各五十斤

彭城王定

公主大將

軍三公特進侯中二千石二千石將大夫

郎吏從官四姓及梁鄧小侯諸夫人以下

帛各有差年八十以上賜米酒肉九十以

上加帛二匹綿三斤三月戊辰帝從皇太

后幸大將軍梁冀府白馬羌寇廣漢屬國

殺長吏益州刺史率板楯蠻討破之

板楯西南

蠻之號

夏四月丙子封帝弟顧爲平原王奉

孝崇皇祀尊孝崇皇夫人馬氏爲孝崇園

貴人嘉禾生大司農帑藏

說文曰帑者金布所藏之府也帑他

反朗五月癸丑北宮掖廷中德陽殿及左掖

門火車駕移幸南宮六月改清河爲甘陵

立安平王得子經侯理爲甘陵王

安平今定州縣也經

今具州經城縣

秋七月京師大水河東言木連理

冬十月長平陳景自號黃帝子署置官屬

又南頓管伯亦稱真人並圖舉兵悉伏誅

三年春三月甲申彭城王定薨夏四月丁

卯晦日有食之

續漢志曰在東井二十三度東井主法梁太后枉殺公卿犯天

法也五月乙亥詔曰蓋聞天生蒸民不能相

理爲之立君使司牧之君道得於下則休

祥著乎上庶事失其序則咎徵見乎象

上已

畧成帝詔詞

閒者日食毀缺陽光晦暗朕祗懼

潛思匪遑啓處

遑暇也啓跪也詩小雅曰王事靡盬不遑啓處

傳不

云乎日食修德月食修刑

公羊傳之文也

昔孝章

帝愍前世禁徙故建初之元並蒙恩澤流

徙者使還故郡没入者免爲庶民先皇德

政可不務乎其自永建元年迄乎今歲凡
諸妖惡支親從坐及吏民減死徙邊者悉
歸本郡唯沒入者不從此令六月庚子詔
大將軍三公特進侯其與卿校尉舉賢良
方正能直言極諫之士各一人乙卯震憲

陵寢屋秋七月庚申廉縣雨肉

續漢志曰肉似羊肺或大

如手五行傳曰弃法律逐功且時則有羊禍時則有赤眚赤祥是時梁太后攝政兄冀專權枉誅李固杜

喬天下寃之廉縣屬北地郡也

八月乙丑有星孛于天市

前書

曰旗星中四星名曰天市

京師大水九月己卯地震庚寅

地又震詔死罪以下及亡命者贖各有差
郡國五山崩冬十月太尉趙戒免司徒袁
湯爲太尉大司農河內張歆爲司徒

歆字
敬讓

十一月甲申詔曰朕攝政失中灾眚連仍

三光不明陰陽錯序監寐寤歎疾如疾首

監寐言雖寢而
不寐也寤覺也

今京師廡舍死者相枕

廡舍
賤役

人之
舍

郡縣阡陌處處有之甚違周文掩骼

之義其有家屬而貧無以葬者給直人三
千喪主布三匹若無親屬可於官墾地葬

之

孺官之餘地也前書音義曰孺城郭旁地音奴喚而戀二反

表識姓名爲

設祠祭又徒在作部疾病致醫藥死亡厚

埋藏民有不能自振及流移者稟穀如科

州郡檢察務崇恩施以康我民和平元年

春正月甲子大赦天下改元和平己丑詔

曰曩者遭家不造先帝早世

謂順帝崩也詩周頌曰閔予小

子遭家不造鄭玄注云造成也言成王遭武王崩家道未成

永惟大宗之重

深思嗣續之福詢謀台輔稽之兆占旣建

明哲克定統業天人協和萬國咸寧元服

已加將即委付而四方盜竊頗有未靜故

假延臨政以須安謐幸賴股肱禦侮之助

殘醜消蕩

謂建和二年長安陳景反南頓管伯等謀反並伏誅

民和年稔

普天率土遐邇洽同遠覽復子明辟之義

尚書曰周公曰朕復子明辟復還也子謂成王也辟君也謂周公攝政已久故復還明君之政於成王今

太后亦還政於帝也

近慕先姑歸授之法

先姑謂安帝閭皇后也爾雅曰

婦人謂夫之父曰舅夫之母曰姑在則曰君舅君姑歿則曰先舅先姑也

及今令辰皇

帝稱制羣公卿士虔恭爾位勩力一意勉

同斷金

金者剛之物也言人能同心則其利可斷之也易曰二人同心其利斷金

展

也大成則所望矣

詩小雅曰允矣君子展也大成鄭玄注云允信也展誠也

大成謂致太平也言誠能致太平是所望也

二月扶風妖賊裴優自

稱皇帝伏誅

裴姓優名也風俗通曰裴伯益之後

甲寅皇太后

梁氏崩三月車駕徙幸北宮甲午葬順烈

皇后夏五月庚辰尊博園戛貴人曰孝崇

皇后秋七月梓潼山崩

梓潼縣屬廣漢郡今始州縣也有梓潼水

冬十一月辛巳減天下死罪一等徙邊戍

元嘉元年春正月京師疾疫使光祿大夫

將醫藥案行癸酉大赦天下改元元嘉二

月九江廬江大疫甲午河閒王建薨夏四

月己丑安平王得薨

河閒孝王開之子初爲京樂成王後改曰安平

京

師阜任城梁國飢民相食司徒張歆罷光祿勳吳雄爲司徒秋七月武陵蠻叛冬十月司空胡廣罷十一月辛巳京師地震閏月庚午任城王崇薨大常黃瓊爲司空

二年春正月西域長史王歆爲于寘國所

殺

歆殺于寘王建故國人殺之

丙辰京師地震夏四月

甲寅孝崇皇后偃氏崩庚午常山王豹薨

五月辛卯葬孝崇皇后于博陵秋七月庚

辰日有食之八月濟陰言黃龍見句陽

縣名

屬濟陰郡左傳曰盟于句瀆之丘是也故城在今曹州乘氏縣北一名穀丘

金城言黃

龍見允街

允街縣名屬金城郡音緣皆

冬十月乙亥京師

地震十一月司空黃瓊免十二月特進趙

戒爲司空右北平太守和旻坐臧下獄死

永興元年春二月張掖言白鹿見三月丁

亥幸鴻池夏五月丙申大赦天下改元永

興丁酉濟南王廣薨無子國除秋七月郡

國三十二蝗河水溢百姓飢窮流冗道路
至有數十萬戶冀州尤甚詔在所賑給乏
絕安慰居業冬十月太尉袁湯免太常胡
廣爲太尉司徒吳雄罷司空趙戒免以太
僕黃瓊爲司徒光祿勳房植爲司空十一
月丁丑詔減天下死罪一等徙邊戍是歲
武陵太守應奉招誘叛蠻降之

二年春正月甲午大赦天下二月辛丑初
聽刺史二千石行三年喪服癸卯京師地

震詔公卿校尉舉賢良方正能直言極諫者各一人詔曰比者星辰謬越坤靈震動災異之降必不空發勅已修政庶望有補其輿服制度有踰侈長飾者皆宜損省長音反直亮郡縣務存儉約申明舊令如永平故

事六月彭城泗水增長逆流

張衡對策曰水者五行之首逆

流者人君之恩不能下及而教逆也

詔司隸校尉部刺史曰蝗

災爲害水變仍至五穀不登人無宿儲其令所傷郡國種蕪菁以助人食京師蝗東

海胸山崩

胸山名也在今海州胸山縣南

九月丁卯朔日有

食之詔曰朝政失中雲漢作旱

雲漢詩大雅篇名也周宣

王時大旱故作詩曰倬彼雲漢昭回于天鄭玄注云雲漢天河也倬然轉運於天時旱渴雨故宣王夜視

天河望其候焉

川靈涌水蝗蝻孽蔓殘我百穀太

陽虧光飢饉荐臻其不被害郡縣當爲飢

餒者儲天下一家趣不糜爛則爲國寶其

禁郡國不得賣酒祠祀裁足太尉胡廣免

司徒黃瓊爲太尉閏月光祿勲尹頌爲司

徒頌字公孫鞏人減天下死罪一等徙邊戍蜀郡

李伯詐稱宗室當立爲太初皇帝伏誅冬十一月甲辰校獵上林苑遂至函谷關賜所過道傍年九十以上錢各有差太山琅邪賊公孫舉等反叛殺長吏

永壽元年春正月戊申大赦天下改元永

壽二月司隸冀州飢人相食

司隸州即洛陽

勅州

郡賑給貧弱若王侯吏民有積穀者一切

貸十分之三

貸音吐得反又音徒得反

以助稟貸其百姓

吏民者以見錢雇直

雇猶酬也

王侯須新租乃

償

須待也

夏四月白鳥見齊國六月洛水溢

壞鴻德苑

續漢志曰水溢至津城門漂流人物時梁冀專政疾害忠良威權震主後遂誅

也

南陽大水司空房植免太常韓續爲司

空

續音翼善反

詔太山琅邪遇賊者勿收租賦

復更筭三年又詔被水死流失屍骸者令

郡縣鉤求收葬及所唐突壓溺物故七歲

以上賜錢人二千壞敗廬舍亡失穀食尤

貧者稟人二斛巴郡益州郡山崩

益州郡名也武帝置

諸本無郡字者誤也

秋七月初置太山琅邪都尉官

漢官儀曰秦郡有尉一人典兵禁捕盜賊景帝更名都尉建武七年省唯邊郡往往置都尉及屬國都尉今二郡寇賊不息故置南匈奴左臺且渠伯德等叛寇

美稷

美稷西河縣也

安定屬國都尉張奐討除之

二年春正月初聽中官得行三年服

中官常侍以下

二月甲申東海王臻薨三月蜀郡屬國夷

叛秋七月鮮卑寇雲中太山賊公孫舉等

寇青兗徐三州遣中郎將段熲討破斬之

冬十一月置太官右監丞官

漢官儀太官右監丞秩比六百

也石十二月京師地震

三年春正月己未大赦天下夏四月九真蠻夷叛太守兒式討之戰歿遣九真都尉魏朗擊破之復屯據日南閏月庚辰晦日有食之六月初以小黃門爲守宮令置穴從右僕射官

漢官儀曰守宮令一人黃門冗從僕射一人並秩六百石也

京師

蝗秋七月河東地裂冬十一月司徒尹頌

薨長沙蠻叛寇益陽

縣名屬長沙國在益水之陽今潭州縣也故城在縣

東司空韓續爲司徒太常北海孫朗爲司

空

朗字代平

延熹元年春三月己酉初置鴻德苑令

漢官

儀曰苑令一人秩六百石

夏五月己酉大會公卿以下賞

賜各有差甲戌晦日有食之京師蝗六月

戊寅大赦天下改元延熹丙戌分中山置

博陵郡以奉孝崇皇園陵

博陵郡故城在今瀛州博野縣也後

徙安平

大雩秋七月己巳雲陽地裂甲子大

尉黃瓊免太常胡廣爲太尉冬十月校獵

廣成遂幸上林苑十二月鮮卑寇邊使匈

奴中郎將張奐率南單于擊破之

二年春二月鮮卑寇鴈門己亥阜陵王便
薨蜀郡夷寇蠡陵殺縣令三月復斷刺史
二千石行三年喪夏京師雨水六月鮮卑
寇遼東秋七月初造顯陽苑置丞丙午皇
后梁氏崩乙丑葬懿獻皇后于懿陵大將
軍梁冀謀爲亂八月丁丑帝御前殿詔司
隸校尉張彪將兵圍冀第收大將軍印綬
冀與妻皆自殺衛尉梁淑河南尹梁胤屯
騎校尉梁讓越騎校尉梁忠長水校尉梁

戟等及中外宗親數十人皆伏誅太尉胡

廣坐免司徒韓續司空孫朗下獄

東觀記曰並坐不衛

官止長壽亭減死一等以爵贖之

壬午立皇后鄧氏追廢懿

陵爲貴人冢詔曰梁冀姦暴濁亂王室孝

質皇帝聰敏早茂冀心懷忌畏私行殺毒

永樂太后親尊莫二

和平元年有司奏太后所居皆以永樂爲稱置官屬

太僕少府焉

冀又遏絕禁還京師

謂太后常居博園不得在洛陽

使朕離母子之愛隔顧復之恩禍害深大

罪釁日滋賴宗廟之靈及中常侍單超徐

璜具瑋左官

說文曰憲憂也音工與反今作心旁官即憲字也今相傳音縮

唐

衡尚書令尹勲等激憤建策內外協同漏

刻之間桀逆梟夷

梟縣首於木也

斯誠社稷之祐

臣下之力宜班慶賞以酬忠勲其封超等

五人爲縣侯勲等七人爲亭侯

五縣侯謂單超新豐

侯徐璜武原侯具瑋東武陽侯左官上蔡侯唐衡汝陽侯七亭侯謂尹勲宜陽都鄉霍謂鄴都亭張勳山

陽西鄉歐陽參脩武仁亭李瑋宜陽金門虞放冤句呂都亭周永下邳高遷鄉

於是舊故

恩私多受封爵大司農黃瓊爲太尉光祿

大夫中山祝恬爲司徒

恬字伯休盧奴人

大鴻臚梁

國盛允爲司空

允字伯代

初置祕書監官

漢官儀祕

書監一人秩六百石

冬十月壬申行幸長安乙酉幸未央宮甲午祠高廟十一月庚子遂有事十

一陵壬寅中常侍單超爲車騎將軍十二月己巳至自長安賜長安民粟人十斛園

陵人五斛行所過縣三斛燒當等八種羌

叛寇隴右護羌校尉段熲追擊於羅亭破

之

東觀記曰追到積石山即與羅亭相近在今鄯州也

天竺國來獻

三年春正月丙申大赦天下丙午車騎將

軍單超薨閏月燒何羌叛寇張掖護羌校

尉段熲追擊於積石大破之

積石山在今鄯州龍文縣南即

禹貢云導河積石是也

白馬令李雲坐直諫下獄死夏

四月上郡言甘露降五月甲戌漢中山崩

六月辛丑司徒祝恬薨秋七月司空盛允

爲司徒太常虞放爲司空

放字子仲陳留人也

長沙

蠻寇郡界九月太山琅邪賊勞丙等復叛

寇掠百姓遣御史中丞趙某

史闕名也

持節督

州郡討之丁亥詔無事之官權絕奉豐年

如故冬十一月日南蠻賊率衆詣郡降勒

姐羌圍允街

勒姐羌號也
姐音子野反

段熲擊破之太山

賊叔孫無忌攻殺都尉侯章十二月遣中

郎將宗資討破之武陵蠻寇江陵車騎將

軍馮緄討皆降散荊州刺史度尚討長沙

蠻平之

四年春正月辛酉南宮嘉德殿火戊子丙

署火

丙署署名也續漢志曰丙署長七人秩
四百石黃綬宦者爲之主中宮別處

大疫

二月壬辰武庫火司徒盛允免大司農种

曷爲司徒三月省冗從右僕射官

永壽三年置太

尉黃瓊免夏四月太常劉矩爲太尉甲寅

封河間王開子博爲任城王五月辛酉有

星孛于心丁卯原陵長壽門火己卯京師

雨雹

東觀記曰大如鷄子續漢志曰誅殺過差寵小人也

六月京兆扶

風及涼州地震庚子岱山及博尤來山並

積裂

博令博城縣也太山有徂來山一名尤來

己酉大赦天下司

空虞放免前太尉黃瓊爲司空犍爲屬國

夷寇鈔百姓益州刺史山昱擊破之零吾

羌與先零諸種並叛寇三輔秋七月京師
零減公卿以下奉貢王侯半租占賣關內
侯虎賁羽林緹騎營士五大夫錢各有差
九月司空黃瓊免大鴻臚劉寵爲司空冬
十月天竺國來獻南陽黃武與襄城惠得
昆陽樂季詆言相署皆伏誅先零沈氏羌
與諸種羌寇并涼二州十一月中郎將皇
甫規擊破之十二月夫餘王遣使來獻

五年春正月省太官右監丞

永壽三年置

壬午南

宮丙署火三月沈氏羌寇張掖酒泉壬午

濟北王次薨夏四月長沙賊起寇桂陽蒼

梧

東觀記曰時攻沒蒼梧取銅虎符太守甘定刺史
侯輔各奔出城桂陽郡在桂水之陽今連州縣

驚馬逸象突入宮殿乙丑恭陵東闕火

安帝

陵也

戊辰虎賁掖門火己巳太學西門自壞

五月康陵園寢火

殤帝陵也

長沙零陵賊起攻

桂陽蒼梧南海交趾遣御史中丞盛脩督

州郡討之不克乙亥京師地震詔公卿各

上封事甲申中藏府承祿署火秋七月己

未南宮承善闢火

爾雅曰宮中門謂之闢廣雅曰闢謂之闢

鳥吾

羌寇漢陽隴西金城諸郡兵討破之八月

庚子詔減虎賁羽林住寺不任事者半奉

勿與冬衣

東觀記曰以軍師水旱疫病帑藏空虛虎賁羽林不任事者住寺減半奉據此

謂簡選疲弱不勝軍事者留住寺也

其公卿以下給冬衣之半

艾縣賊焚燒長沙郡縣寇益陽殺令

東觀記曰

時賊乘刺史車屯據臨湘居太守舍賊萬人以上屯益陽殺長吏艾縣名屬豫章郡故城在今洪州建昌

縣又零陵蠻亦叛寇長沙己卯罷琅邪都

尉官

永壽元年置

冬十月武陵蠻叛寇江陵南

郡太守李肅坐奔北弃市辛丑以太常馮
緄爲車騎將軍討之假公卿以下奉又換
王侯租以助軍糧出濯龍中藏錢還之十
一月馮緄大破叛蠻於武陵京兆虎牙都
尉宗謙坐臧下獄死京兆虎牙都尉屯長安見西羌傳滇那
羌寇武威張掖酒泉太尉劉矩免太常楊
秉爲太尉

六年春二月戊午司徒种暠薨三月戊戌
大赦天下衛尉潁川許栩爲司徒栩字季關鄆人

夏四月辛亥康陵東署火五月鮮卑寇遼

東屬國秋七月甲申平陵園寢火

平陵昭
帝陵也

桂

陽盜賊李研等寇郡界武陵蠻復叛太守

陳奉與戰大破降之隴西太守孫羌討滇

那羌破之八月車騎將軍馮緄免冬十月

丙辰校獵廣成遂幸函谷關上林苑十一

月司空劉寵免南海賊寇郡界十二月衛

尉周景爲司空

七年春正月庚寅沛王榮薨三月癸亥隕

石于鄆夏四月丙寅梁王成薨五月己丑
京師雨雹秋七月辛卯趙王乾薨野王山
上有死龍荊州刺史度尚擊零陵桂陽盜
賊及蠻夷大破平之冬十月壬寅南巡狩
庚申幸章陵祠舊宅遂有事于園廟賜守
令以下各有差戊辰幸雲夢臨漢水還幸
新野祠湖陽新野公主魯哀王壽張劭侯
廟光武姊湖陽長公主新野長公主兄魯哀王舅壽張劭侯樊重並光武時立廟護羌
校尉段熲擊當煎羌破之十二月辛丑車

駕還宮八年春正月遣中常侍左悺之苦

縣祠老子

史記曰老子者楚苦縣厲鄉曲仁里人也名耳字聃姓李氏爲周守藏吏有神

廟故就祠之苦縣屬陳國故城在今亳荆谷陽縣也苦音戶又如字勃海王惲謀

反降爲癭陶王

癭陶縣屬鉅鹿郡故城在今趙州癭陶縣西南

丙申晦

日有食之詔公卿校尉舉賢良方正已酉

南宮嘉德署黃龍見千秋萬歲殿火太僕

左稱有臯自殺癸亥皇后鄧氏廢河南尹

鄧萬世

鄧后之叔父

虎賁中郎將鄧會下獄死

鄧后之兄子

護羌校尉段熲擊罕姐羌破之三

月辛巳大赦天下夏四月甲寅安陵園寢

火

惠帝陵也

丁巳壞郡國諸房祀

房謂祠堂也王渙傳曰時唯密

縣存故太傅卓茂廟洛陽留令王渙祠

濟陰東郡濟北河水清

五月壬申罷太山都尉官

永壽元年置

丙戌太

尉楊秉薨丙辰緌氏地裂桂楊胡蘭朱蓋

等復反攻沒郡縣轉寇零陵零陵太守陳

球拒之遣中郎將度尚長沙太守抗徐等

擊蘭蓋大破斬之

謝承書曰抗徐字伯徐丹陽人少爲郡佐史有膽智策略

三府表徐有將率之任特遷長沙大守風俗通曰衛大夫三抗之後漢有抗喜爲漢中太守

蒼

梧太守張叙爲賊所執又桂陽太守任胤

背敵畏懦皆弃市閏月甲午南宮長秋和

歡殿後鉤楯掖庭朔平署火

長秋宮名漢官曰朔平署司馬

一六月段熲擊當煎羌於湟中大破之

湟水

名在今鄯州湟水縣

秋七月太中大夫陳蕃爲太尉八

月戊辰初令郡國有田者畝斂稅錢

畝十錢也

九月丁未京師地震冬十月司空周景免

太常劉茂爲司空

茂字叔盛彭城人也

辛巳立貴人

竇氏爲皇后勃海妖賊蓋登等

蓋音古盍反稱

大上皇帝有玉印珪璧鐵券相署置皆伏

誅

續漢書曰時登等有玉印五皆如白石文曰皇帝信璽皇帝行璽其三無文字璧二十二珪五

鐵券十一開王廟帶王綬衣絳衣相署置也

十一月壬子德陽殿西

閤黃門北寺火延及廣義神虎門燒殺人

廣義神虎洛陽宮西門也在金商門外表山松書曰是時連月火災諸宮寺或一日再三發又夜有訛言擊鼓相驚陳蕃等上疏諫曰唯善政可以已之書奏不省使中常侍管霸之

苦縣祠老子

九年春正月辛亥朔日有食之詔公卿校尉郡國舉至孝沛國戴異得黃金印無文

字遂與廣陵人龍尚等共祭井作符書稱

太上皇伏誅

東觀記曰戴異鉏田得金印到廣陵以與龍尚

已酉詔曰

比歲不登民多飢窮又有水旱疾疫之困

盜賊徻發南州尤甚

謂長沙桂陽零陵等郡也並屬荊州

災異

日食譴告累至政亂在予仍獲咎徻其令

大司農絕今歲調度徻求及前年所調未

畢者勿復收責其災旱盜賊之郡勿收租

餘郡悉半入三月癸巳京師有火光轉行

人相驚譟司隸豫州飢死者什四五至有

滅戶者遣三府掾賑稟之陳留太守韋毅
坐臧自殺夏四月濟陰東郡濟北平原河
水清司徒許栩免五月太常胡廣爲司徒
六月南匈奴及烏桓鮮卑寇緣邊九郡秋
七月沈氏羌寇武威張掖詔舉武猛三公
各二人卿校尉各一人太尉陳蕃免庚午
祠黃老於濯龍宮遣使匈奴中郎將張奐
擊南匈奴烏桓鮮卑九月光祿勳周景爲
太尉南陽太守成瑨太原太守劉質並以

譖弃市

時小黃門趙津犯法質考殺之
官官怨恚有司承旨奏質等

司空劉茂

免大秦國王遣使奉獻

時國王安敦獻象
牙犀角玳瑁等

冬

十二月洛城傍竹柏枯傷光祿勳汝南宣

鄴爲司空

鄴字伯應封
東陽亭侯

南匈奴烏桓率衆詣

張奐降司隸校尉李膺等二百餘人受誣

爲黨人並坐下獄書名王府

河內牢脩告之
事具劉淑傳

永康元年春正月先零羌寇三輔中郎將

張奐破平之當煎羌寇武威護羌校尉段

熲追擊於鸛鳥大破之

鸛鳥縣名屬武
威郡鸛音萑

西羌

悉平夫餘王寇玄菟太守公孫域與戰破
之夏四月先零羌寇三輔五月丙申京師
及上黨地裂廬江賊起寇郡界壬子晦日
有食之詔公卿校尉舉賢良方正六月庚
申大赦天下悉除黨錮改元永康時李膺等頗引
官者子弟官官多懼請帝以天
時當赦帝許之故除黨錮也

丙寅阜陵王統

薨秋八月魏郡言嘉禾生甘露降巴郡言

黃龍見

續漢志曰時人欲就沔浴見沔水濁因戲相恐此中有黃龍語遂行人聞郡欲以爲

美故上言之時史以書帝紀相帝政化衰缺而多言瑞應皆此類也先儒言瑞興非時則爲妖孽而人言

生龍皆
龍孽也

六州大水勃海海溢詔州郡賜溺死

者七歲以上錢人二千一家皆被害者悉
爲收斂其亡失穀食稟人三斛冬十月先
零羌寇三輔使匈奴中郎將張奐擊破之
十一月西河言白莧見十二月壬申復癰
陶王曄爲勃海王丁丑帝崩于德陽前殿
年三十六戊寅尊皇后曰皇太后太后臨
朝是歲復博陵河閒二郡比豐沛

論曰前史稱桓帝好音樂善琴笙

前史謂
東觀記

飾芳林而考濯龍之宮

薛綜注東京賦云濯龍殿名芳林謂兩旁樹木

蘭也考成也既成而祭之左傳曰考仲子之宮也

設華蓋以祠浮圖老

子

浮圖今佛也續漢志曰祠老子於濯龍宮文

斯

將所謂聽於神乎

左傳曰史嚚曰國將興聽於人將亡聽於神

及

誅梁冀奮威怒天下猶企其休息而五邪

嗣虐流行四方

五邪謂單超徐璜左倌唐衡具瑋也

自非忠賢力

爭屢折姦鋒

忠賢謂李膺陳蕃竇武黃瓊朱穆劉淑劉陶等各上書極諫以折宦官等

姦謀之鋒也

雖願依斟流彘亦不可得已

帝王紀曰夏帝相爲

羿所逐相乃都商丘依同姓諸侯斟灌斟尋氏史記曰周厲王好利暴虐周人相與畔而襲厲王王出奔

于彘言帝寵幸宦豎令執威權賴忠臣李膺等竭力諫爭以免篡弑之禍不然則雖願如夏相依斟周王流彘不可得也斟灌斟尋國故城在今青州彘晉地也

贊曰桓自宗支越躋天祿

越謂非次也躋升也天祿天位也左

傳子家羈曰天祿不再

政移五倖刑淫三獄

倖倂也淫濫也五倖即上

五邪也三獄謂李固杜喬李雲杜衆成瑨劉質也

傾宮雖積皇身靡續

帝王紀曰紂多發美女以充傾宮之室婦人衣綾紈者三百餘人據桓帝納三皇后又博採宮女五六千人並無子也

後漢帝紀卷第七

帝紀卷第八

范曄

後漢書八

唐章懷太子賢注

孝靈帝

孝靈皇帝諱宏

謚法曰亂而不損曰靈伏
侯古今注曰宏之字曰大

肅

宗立孫也曾祖河閒孝王開祖淑父萇世

封解瀆亭侯

淑以河閒王子封爲解瀆亭侯萇
襲父封故言世封也解瀆亭在今

定州義豐
縣東北也

帝襲侯爵母董夫人桓帝崩無

子皇太后與父城門校尉竇武定策禁中

使守光祿大夫劉儵持節將左右羽林至

河閒奉迎

續漢志曰桓帝之初京都童謠曰城上烏尾畢逋父爲吏子爲徒一徒死百乘

車車班班入河閒河閒姁女工數錢以錢爲室金爲堂石上慊慊春黃梁梁下有懸鼓我欲擊之丞卿怒城上烏者處高獨食不與下共謂人主多聚斂也父爲吏子爲徒者言蠹吏叛逆父旣爲軍吏子弟又爲卒徒往擊之也一徒死百乘車者言前一人討胡旣死矣後又遣百乘車往也車班班者言乘輿班班入河閒迎靈帝也姁女數錢言帝旣立其母永樂太后好聚金以爲堂室也石上慊慊者言太后雖積金錢猶慊慊常若不足使人春黃梁而食之也我欲擊之者言太后敎帝使賣官受錢天下忠薦之士怨望欲擊鼓求見卿懸鼓者復怒而止我也

建寧元年春正月壬午城

門校尉竇武爲大將軍已亥帝到夏門亭

東觀記曰到夏門外萬壽亭羣臣謁見

使竇武持節以王青蓋

車迎入殿中庚子即皇帝位年十二改元
建寧以前太尉陳蕃爲太傅與竇武及司
徒胡廣參錄尚書事使護羌校尉段熲討

先零羌二月辛酉葬孝桓皇帝于宣陵

洛在

陽東南三十里高
十二丈周三百步

廟曰威宗庚午謁高廟辛

未謁世祖廟大赦天下賜民爵及帛各有

差段熲大破先零羌於逢義山

山在今原州
高平縣逢一

作途閏月甲午追尊皇祖爲孝元皇夫人夏

氏爲孝元皇后考爲孝仁皇夫人董氏爲

後漢帝紀八
愼園貴人

愼園在今瀛州樂壽縣東南俗呼爲二皇陵

夏四月戊辰

太尉周景薨司空宣豐免長樂衛尉王暢

爲司空五月丁未朔日有食之詔公卿以

下各上封事及郡國守相舉有道之士各

一人又故刺史二千石清高有遺惠爲衆

所歸者皆詣公車太中大夫劉矩爲太尉

六月京師雨水秋七月破羌將軍段熲復

破先零羌於涇陽

涇陽縣名屬安定故城在今原州平涼縣南也

八月

司空王暢免宗正劉寵爲司空九月丁亥

中常侍曹節矯詔誅太傅陳蕃大將軍竇武及尚書令尹勲侍中劉瑜屯騎校尉馮述皆夷其族皇太后遷于南宮

太后與竇武密謀欲誅曹

節今武等既誅故太后被遷

司徒胡廣爲太傅錄尚書事

司空劉寵爲司徒大鴻臚許相爲司空冬

十月甲辰晦日有食之令天下繫囚罪未

決入縑贖各有差十一月太尉劉矩免太

僕沛國聞人襲爲太尉

姓聞人名襲字定卿風俗通曰少正矧魯

之聞人其後氏焉

十二月鮮卑及濊貊寇幽并二州

二年春正月丁丑大赦天下三月乙巳尊

慎園董貴人爲孝仁皇后

續漢志曰置永樂宮儀如桓帝尊匣

貴人之禮

夏四月癸巳大風雨雹詔公卿以下

各上封事五月太尉聞人襲罷司空許栩

免六月司徒劉寵爲太尉太常許訓爲司

徒

訓字季師平輿人

太僕長沙劉囂爲司空

囂字重寧

秋七月破羌將軍段熲大破先零羌於射

虎塞外谷東羌悉平九月江夏蠻叛州郡

討平之丹陽山越賊圍太守陳黃黃擊破

之冬十月丁亥中常侍侯覽諷有司奏前
司空虞放太僕杜密長樂少府李膺司隸
校尉朱瑀潁川大守巴肅沛相荀翌河內
大守魏朗山陽大守翟超等皆爲鉤黨下
獄

鉤謂相牽引也事具劉淑李膺傳

死者百餘人妻子徙邊

諸附從者錮及五屬

五屬謂五服內親也

制詔州郡大

舉鉤黨於是天下豪桀及儒學行義者一

切結爲黨人

續漢志曰建寧中京都長者皆以葦方笥爲裝具時有識者竊言葦笥郡

國讞篋也後黨人禁錮會赦有疑者皆讞廷尉人名悉入方笥中

庚子晦日有

食之十一月太尉劉寵免太僕郭禧爲太

尉

字公房扶溝人也禧音僖

鮮卑寇并州是歲長樂太

僕曹節爲車騎將軍百餘日罷

三年春正月河內人婦食夫河南人夫食

婦三月丙寅晦日有食之夏四月太尉郭

禧罷太中大夫聞人襲爲太尉秋七月司

空劉囂罷八月大鴻臚橋玄爲司空九月

執金吾董寵下獄死冬濟南賊起攻東平

陵

東平陵縣名屬濟南國故城在今濟州東

鬱林烏潯民相率內

屬

烏潯南方夷號也廣州記曰其俗食人以臯飲水口中進噉如故

四年春正月甲子帝加元服大赦天下賜

公卿以下各有差唯黨人不赦二月癸卯

地震海水溢河水清三月辛酉朔日有食

之太尉聞人襲免太僕李咸爲太尉

字元卓汝

南西平人詔公卿至六百石各上封事大疫使

中謁者巡行致醫藥司徒許訓免司空橋

玄爲司徒夏四月太常來豔爲司空

豔字季德

南陽新野人五月河東地裂雨雹山水暴出秋

七月司空來豔免癸丑立貴人宋氏爲皇

后

執金吾宋鄭女前年入掖庭爲貴人

司徒橋玄免太常宗俱

爲司空

俱字伯儷南陽安衆人

前司空許栩爲司徒冬

鮮卑寇并州

熹平元年春三月壬戌太傅胡廣薨夏五

月己巳大赦天下改元熹平長樂太僕侯

覽有罪自殺六月京師雨水癸巳皇太后

竇氏崩秋七月甲寅葬桓思皇后宦官諷

司隸校尉段熲捕繫太學諸生千餘人

時有

人書朱雀闕云天下大亂公卿皆尸祿故捕之事見官者傳

冬十月渤海王

惺被誣謀反丁亥惺及妻子皆自殺十一

月會稽人許生自稱越王寇郡縣

東觀記曰會稽許昭

聚衆自稱大將軍立父生爲越王攻破郡縣

遣楊州刺史臧旻丹陽

太守陳夤討破之十二月司徒許相罷大

鴻臚袁隗爲司徒鮮卑寇并州是歲甘陵

王恢薨

二年春正月大疫使使者巡行致醫藥丁

丑司空宗俱薨二月壬午大赦天下以光

祿勲楊賜爲司空三月太尉李咸免夏五

月以司隸校尉段熲爲太尉沛相師遷坐

誣同國王下獄死

國王陳愍王寵也臣賢案陳
敬王傳云國相師遷又東觀

記云陳行相師遷奏沛相魏惜前爲陳相與陳王
寵交通明魏惜爲沛相此言師遷爲沛相蓋誤也六

月北海地震東萊北海海水溢

續漢志曰時
出大魚二枚

各長八九丈
高二丈餘

秋七月司空楊賜免太常潁川

唐珍爲司空冬十二月日南徼外國重譯

貢獻太尉段熲罷鮮卑寇幽并二州癸酉

晦日有食之

三年春正月夫餘國遣使貢獻二月己巳

大赦天下太常陳耽爲太尉

耽字漢公東海人也

三月

中山王暢薨無子國除夏六月封河間王
利子康爲濟南王奉孝仁皇祀秋洛水溢

冬十月癸丑令天下繫囚罪未決入縑贖

十一月楊州刺史臧旻率丹陽太守陳寅

大破許生於會稽斬之任城王博薨十二

月鮮卑寇北地北地太守夏育追擊破之

鮮卑又寇并州司空唐珍罷永樂少府許

訓爲司空

四年春三月詔諸儒正五經文字刻石立

于太學門外封河間王建孫佗爲任城王

建桓帝弟也夏四月郡國七大水五月丁卯大

赦天下延陵園灾成帝陵也在咸陽縣西遣使者持節

告祠延陵鮮卑寇幽州六月弘農三輔螟

遣守宮令之鹽監穿渠爲民興利前書地理志及

續漢郡國志並無監今蒲州安邑縣西南有鹽池令郡國遇災者減田

租之半其傷害十四以上勿收責冬十月

丁巳令天下繫囚罪未決入縲贖拜沖帝

母虞美人爲憲園貴人順帝虞美人也憲園在洛陽東北質

帝母陳夫人爲渤海孝王妃渤海孝王鴻之夫人也改

平準爲中準漢官儀曰平準令一人秩六百石也使官者爲令

列於內署自是諸署悉以閹人爲丞令

五年夏四月癸亥大赦天下益州郡夷叛

太守李顥討平之復崇高山名爲嵩高山

前書武帝祠中嶽改嵩高爲崇高東觀記曰使中郎將堂谿典請雨因上言改之名爲嵩高山大雩

使侍御史行詔獄亭部理冤枉原輕繫休

囚徒五月太尉陳耽罷司空許訓爲太尉

閏月永昌太守曹鸞坐訟黨人弃市

訟謂申理

之也其言切直帝怒檻車送槐里獄掠殺之也

詔黨人門生故吏父兄

子弟在位者皆免官禁錮六月壬戌太常

南陽劉逸

逸字大過安衆人

爲司空秋七月太尉

許訓罷光祿勳劉寬爲太尉冬十月壬午

御殿後槐樹自拔倒豎司徒袁隗罷十一

月丙戌光祿大夫楊賜爲司徒十二月廿

陵王定薨試太學生年六十以上百餘人

除郎中太子舍人至王家郎郡國文學吏

漢官儀曰太子舍人王家郎中並秩二百石無貲

是歲鮮卑寇幽州沛

國言黃龍見譙

六年春正月辛丑大赦天下二月南宮平

城門及武庫東垣屋自壞

平城門洛陽城南門也蔡邕曰平城

門正陽之門與宮連郊祀法駕所從出門之最尊者武庫禁兵所藏東垣庫之外障易傳曰小人在位厥

妖城門自壞

夏四月大旱七州蝗鮮卑寇三邊

謂東西與北邊

市賈民爲宣陵孝子者數十人皆

除太子舍人秋七月司空劉逸免衛尉陳

球爲司空八月遣破鮮卑中郎將田晏出
雲中使匈奴中郎將臧旻與南單于出鴈
門護烏桓校尉夏育出高柳並伐鮮卑晏
等大敗冬十月癸丑朔日有食之太尉劉
寬免帝臨辟雍辛丑京師地震辛亥令天
下繫囚罪未決入縑贖十一月司空陳球

免十二月甲寅太常河南孟軻爲太尉

軻字

叔達音
乙六反

庚辰司徒楊賜免太常陳耽爲司

空鮮卑寇遼西永安太僕王旻下獄死

永安

官之大
僕也

光和元年春正月合浦交趾烏潯蠻叛招
引九真日南民攻沒郡縣太尉孟馯罷二
月辛亥朔日有食之癸丑光祿勳陳國素
滂爲司徒

滂字公喜

己未地震始置鴻都門學

生

鴻都門名也於內置學時其中諸生皆勅州郡三公舉召能爲尺牘辭賦及工書鳥篆者相課試至

千人

三月辛丑大赦天下改元光和太常

常山張顥爲太尉

顥字智明搜神記曰顥爲梁相新雨後有鵲飛翔近地令

人鑿之墮地化爲圓石顥命椎破得一金印文曰忠孝侯印

夏四月丙辰地

震侍中寺雌雞化為雄司空陳耽免太常

來豔為司空五月壬午有白衣人入德陽

殿門亡去不獲

東觀記曰白衣人言梁伯夏教我上殿與中黃門相賢語因忽

不見六月丁丑有黑氣墮所御溫德殿庭中

東觀記曰墮所御溫明殿庭中如車蓋隆起奮迅五色有頭體長十餘丈形兒似龍

秋七月

壬子青虹見御坐玉堂後殿庭中

洛陽宮殿名南宮有

玉堂前後殿據楊賜傳云愼嘉德殿前

八月有星孛于天市九

月太尉張顥罷太常陳球為太尉司空來

豔薨冬十月屯騎校尉袁逢為司空皇后

宋氏廢后父執金吾豐下獄死丙子晦日

有食之十一月太尉陳球免十二月丁巳

光祿大夫橋玄爲太尉是歲鮮卑寇酒泉

京師馬生人

京房易傳曰諸侯相伐厥妖馬生人

初開西邸賣

官自關內侯虎賁羽林入錢各有差

山陽公載

記曰時賣官二千石二千萬四百石四百萬其以德次應選者半之或三分之一於西園立庫以貯之

私令左右賣公卿公千萬卿五百萬

二年春大疫使常侍中謁者巡行致醫藥

三月司徒袁滂免大鴻臚劉郃爲司徒

郃字

季承乙丑太尉橋玄罷太中大夫段熲爲太

尉京兆地震司空袁逢罷太常張濟爲司

空濟字元江細陽人夏四月甲戌朔日有食之辛

巳中常侍王甫及太尉段熲並下獄死丁

酉大赦天下諸黨人禁錮小功以下皆除

之時上祿長和海上言黨人錮及五族有乖典訓帝從之東平王端薨五

月衛尉劉寬爲太尉秋七月使匈奴中郎

將張脩有罪下獄死時張脩擅斬單于呼微更立羌渠爲單于故坐死

冬十月甲申司徒劉郃永樂少府陳球衛

尉陽球步兵校尉劉納謀誅官者事泄皆
下獄死巴郡板楯蠻叛遣御史中丞蕭瑋
督益州刺史討之不剋十二月光祿勳楊
賜爲司徒鮮卑寇幽并二州是歲河間王
利薨洛陽女子生兒兩頭四臂

京房易傳曰
二首下不一

也厥妖人
生兩頭

三年春正月癸酉大赦天下二月公府駐

駕廡自壞

公府三公府也駐駕停車處也廡廊屋
也音無禹反續漢志云南北四十餘間

壞三月梁王元薨夏四月江夏蠻叛六月

詔公卿舉能通尚書毛詩左氏穀梁春秋

各一人悉除議郎秋表是地震涌水出是表

縣屬酒泉郡故城在今甘州張掖縣西北也八月令繫囚罪未決入

練贖各有差冬閏月有星孛于狼弧二星名也

鮮卑寇幽并二州十二月己巳立貴人何

氏爲皇后南陽宛人也車騎將軍何貢女也是歲作單于靈

昆苑單于苑有二東單于苑周一千五百步中有魚梁臺西單于苑周三千三百步並在洛陽

宣平門外也

四年春正月初置驛驛廩丞領受郡國調

馬

騾驥善馬也調謂徵發也

豪右辜摧馬一匹至二百

萬

前書音義曰辜障也摧專也謂障餘人賣買而自取其利

二月郡國上芝

英草夏四月庚子大赦天下交趾刺史朱

雋討交趾合浦烏滸蠻破之六月庚辰雨

雹

續漢書曰雹大如雞子

秋七月河南言鳳皇見新

城羣鳥隨之賜新城令及三老力田帛各

有差九月庚寅朔日有食之太尉劉寬免

衛尉許馡爲太尉閏月辛酉北宮東掖庭

永巷署災

永巷宮中署名也漢官儀曰今一人官者爲之秩六百石掌宮婢侍使

司

徒楊賜罷冬十月太常陳耽爲司徒鮮卑
寇幽并二州是歲帝作列肆於後宮使諸
采女販賣更相盜竊爭鬪帝著商估服飲
宴爲樂又於西園弄狗著進賢冠帶綬

禮三

圖曰進賢冠文官服之前高七寸後高三寸長八寸
續漢志曰靈帝寵用便嬖子弟轉相汲引賣關內侯
直五百萬令長強者貪如豺狼弱者略不類物實狗
而冠也昌邑王見狗冠方山冠龔遂曰王之左右皆
冠狗而

又駕四驢帝躬自操轡驅馳周旋京

師轉相放效

續漢志曰驢者乃服重致遠上下山谷野人之所用耳何有帝王君子而

驂駕之乎天意若曰國且大亂
賢愚倒植凡執政者皆如驢也

五年春正月辛未大赦天下二月大疫三月司徒陳耽免夏四月旱太常表隗爲司徒五月庚申永樂宮署灾

續漢志曰德陽前殿西北入門內永

樂太后宮署灾

秋七月有星孛于太微巴郡板楯

蠻詣太守曹謙降癸酉令繫囚罪未決入
縑贖八月起四百尺觀於阿亭道冬十月
太尉許棧罷太常楊賜爲太尉校獵上林
苑歷函谷關遂巡狩于廣成苑十二月還
幸太學

六年春正月日南徼外國重譯貢獻二月
復長陵縣比豐沛三月辛未大赦天下夏
大旱秋金城河水溢五原山岸崩始置園
囿署以宦者爲令冬東海東萊琅邪井中
冰厚尺餘大有年

中平元年春二月鉅鹿人張角自稱黃天
其部師有三十六萬皆著黃巾同日反叛

續漢書曰三
十六萬餘人

安平甘陵人各執其王以應之

安平王續
甘陵王忠

三月戊申以河南尹何進爲大將

軍將兵屯都亭置八關都尉官

都亭在洛陽八關謂函谷

廣城伊闕大谷轅轅旋門小平津孟津也

壬子大赦天下黨人還

諸徙者

時中常侍呂彊言於帝曰黨錮久積若唯與黃巾合謀悔之無救帝懼皆赦之

唯

張角不赦詔公卿出馬弩舉列將子孫及

吏民有明戰陣之略者詔公車遣北中郎

將盧植討張角左中郎將皇甫嵩右中郎

將朱雋討潁川黃巾庚子南陽黃巾張曼

成攻殺郡守褚貢夏四月太尉楊賜免太

僕弘農鄧盛爲太尉

盛字伯能

司空張濟罷大

司農張溫爲司空朱儁爲黃巾波才所敗

侍中向栩張鈞坐言官者下獄死

時鈞上書曰今斬常

侍懸其首於南郊以謝天下即兵自消也帝以章示常侍故下獄也汝南黃巾敗太

守趙謙於邵陵

邵陵縣名屬汝南郡故城在今豫州鄆城縣東

廣陽

黃巾殺幽州刺史郭勲及太守劉衛五月

皇甫嵩朱儁復與波才等戰於長社大破

之

長社今許州縣也故城在長葛縣西

六月南陽太守秦頡擊張

曼成斬之交趾屯兵執刺史及合浦太守

來達自稱柱天將軍遣交趾刺史賈琮討

平之皇甫嵩朱雋大破汝南黃巾於西華

西華縣屬汝南郡故城在今陳州項城縣西

詔嵩討東郡朱雋討南

陽盧植破黃巾圍張角於廣宗官官誣奏

植抵罪

植連破張角垂當拔之小黃門左豐言於帝曰盧中郎固壘息軍以待天誅帝怒遂

檻車徵植減死一等

遣中郎將董卓攻張角不尅洛陽

女子生兒兩頭共身

續書志曰上西門外女子生兒兩頭異肩共背以爲

不祥墮地弃之其後政在私門上下無別二頭之象

秋七月巴郡妖巫張

脩反寇郡縣

劉艾紀曰時巴郡巫人張脩療病愈者雇以米五斗號爲五斗米師

河南尹徐灌下獄死八月皇甫嵩與黃巾

戰於倉亭獲其帥

其帥卜己也
倉亭在東郡

乙巳詔皇甫

嵩北討張角九月安平王續有罪誅國除

冬十月皇甫嵩與黃巾賊戰於廣宗獲張

角弟梁角先死乃戮其屍

發棺斷頭
傳送馬市

以皇

甫嵩爲左車騎將軍十一月皇甫嵩又破

黃巾于下曲陽斬張角弟寶湟中義從胡

北宮伯玉與先零羌叛以金城人邊章韓

遂爲軍帥攻殺護羌校尉儉徵金城太守

陳懿

儉姓也周有
大夫儉州鳩

癸巳朱雋拔宛城斬黃

中別帥孫夏詔減太官珍羞御食一肉廢馬非郊祭之用悉出給軍十二月己巳大赦天下改元中平是歲下邳王意薨無子

國除郡國生異草備龍蛇鳥獸之形

風俗通曰

亦作人狀操持兵弩一一備具續漢志曰龍蛇鳥獸其狀毛羽頭目足翅皆具是歲黃巾賊起漢遂微弱

二年春正月大疫琅邪王據薨二月己酉

南宮大灾火半月乃滅

續漢志曰時燒靈臺殿樂成殿延及北闕度道

西燒嘉德和驩殿

己亥廣陽門外屋自壞

洛陽城西面南頭門

也

稅天下田畝十錢

以修宮室

黑山賊張牛角

等十餘輩並起所在寇鈔司徒袁隗免三月廷尉崔烈爲司徒北宮伯玉等寇三輔遣左車騎將軍皇甫嵩討之不尅夏四月庚戌大風雨雹五月太尉鄧盛罷太僕河南張延爲太尉

延字公威
歆之子

秋七月三輔螟

左車騎將軍皇甫嵩免八月以司空張溫爲車騎將軍討北宮伯玉九月特進楊賜爲司空冬十月庚寅司空楊賜薨光祿大

夫許相爲司空

相字公弼平輿
人許訓之子

前司徒陳耽

諫議大夫劉陶坐直言下獄死十一月張
溫破北宮伯玉於美陽因遣盪寇將軍周
慎追擊之圍榆中

縣名故城在今蘭州金城縣東也

又遣中

郎將董卓討先零羌慎卓並不克鮮卑寇
幽并二州是歲造萬金堂於西園洛陽民
生兒兩頭四臂

三年春二月江夏兵趙慈反殺南陽太守
秦頡庚成大赦天下太尉張延罷車騎將
軍張溫爲太尉中常侍趙忠爲車騎將軍

復修玉堂殿鑄銅人四黃鍾四

其音中黃鍾也子爲黃鍾

及天祿蝦蟆又鑄四出文錢

天祿獸也時使掖廷令畢嵐鑄

銅人列於倉龍玄武闕外鍾懸於玉堂及雲臺殿前天祿蝦蟆吐水於平門外事具官者傳案今鄧州南陽縣北有宗資碑旁有兩石獸鵠其膊一曰天祿一曰辟邪據此即天祿辟邪並獸名也漢有天祿閣亦因獸以立名五月壬辰晦日有食之六月荊州

刺史王敏討趙慈斬之車騎將軍趙忠罷

秋八月懷陵上有雀萬數悲鳴因鬪相殺

懷陵冲帝陵也續漢志曰天戒若曰諸懷爵祿而尊厚者還自相害也

冬十月武陵

蠻叛寇郡界郡兵討破之前太尉張延爲

官人所譖下獄死十二月鮮卑寇幽并二
州

四年春正月己卯大赦天下二月滎陽賊

殺中牟令

中牟今鄭州縣劉艾紀曰令落皓
及主簿潘業臨陣不顧皆被害

已

亥南宮內殿果愚自壞

前書音義曰果愚連
闕曲闕也音浮思

三

月河南尹何苗討滎陽賊破之拜苗爲車

騎將軍夏四月涼州刺史耿鄙討金城賊

韓遂鄙兵大敗遂寇漢陽漢陽太守傅燮

戰沒扶風人馬騰漢陽人王國並叛寇三

輔太尉張溫免司徒崔烈爲太尉五月司

空許相爲司徒光祿勳沛國丁宮爲司空

官字元雄六月洛陽民生男兩頭共身

劉艾紀曰上西門外

劉倉妻生也漁陽人張純與同郡張舉舉兵叛

攻殺右北平太守劉政遼東太守楊終護

烏桓校尉公綦稠等舉兵自稱天子寇幽

冀二州秋九月丁酉令天下繫囚罪未決

入縑贖冬十月零陵人觀鵠

觀姓鵠名

自稱平

天將軍寇桂陽長沙太守孫堅擊斬之十

一月太尉崔烈罷大司農曹嵩爲太尉十
二月休屠各胡叛是歲賣關內侯假金印
紫綬傳卅入錢五百萬

五年春正月休屠各胡寇西河殺郡守邢
紀丁酉大赦天下二月有星孛于紫宮黃

巾餘賊郭大等起於西河白波谷寇太原

河東三月休屠各胡攻殺并州刺史張懿

遂與南匈奴左部胡合殺其單于夏四月

汝南葛陂黃巾攻沒郡縣

葛陂在今豫州新蔡縣西北

太

尉曹嵩罷五月永樂少府樊陵爲太尉

陵字

德雲胡陽人也

六月丙寅大風太尉樊陵罷益州黃

巾馬相攻殺刺史郝儉自稱天子又寇巴

郡殺郡守趙部益州從事賈龍擊相斬之

郡國七大水秋七月射聲校尉馬日磾爲

太尉八月初置西園八校尉

樂資山陽公載記曰小黃門蹇

碩爲上軍校尉虎賁中郎將素紹爲中軍校尉屯騎校尉鮑鴻爲下軍校尉議郎曹操爲典軍校尉趙融爲助軍左校尉馮芳爲助軍右校尉諫議大夫夏牟爲左校尉淳于瓊爲右校尉凡八校皆統於蹇碩

司徒許相罷司空丁官爲司徒光祿勳南

陽劉弘爲司空

字子高安衆人

衛尉董重爲票騎

將軍九月南單于叛與白波賊寇河東遣

中郎將孟益率騎都尉公孫瓚討漁陽賊

張純等冬十月壬午御殿後槐樹自拔倒

豎青徐黃巾復起寇郡縣甲子帝自稱無

上將軍耀兵於平樂觀

平樂觀在洛陽城西

十一月涼

州賊王國圍陳倉右將軍皇甫嵩救之遣

下軍校尉鮑鴻討葛陂黃巾巴郡板楯蠻

叛遣上軍別部司馬趙瑾討平之公孫瓚

與張純戰於石門大破之

時烏桓反叛與賊張純等攻薊中故蹟追

擊之石門山名也在今營州西南

是歲改刺史新置牧

六年春二月左將軍皇甫嵩大破王國於陳倉三月幽州牧劉虞購斬漁陽賊張純下軍校尉鮑鴻下獄死夏四月丙午朔日有食之太尉馬日磾免幽州牧劉虞爲太尉丙辰帝崩于南宮嘉德殿年三十四戊午皇子辯即皇帝位年十七尊皇后曰皇太后太后臨朝大赦天下改元爲光熹封

皇弟協爲渤海王後將軍表隗爲太傅與

大將軍何進參錄尚書事上軍校尉蹇碩

下獄死

時蹇碩謀欲立渤海王協發覺

五月辛巳票騎將軍

董重下獄死

董重皇后之弟子也

六月辛亥孝仁皇后

董氏崩辛酉葬孝靈皇帝于文陵

在洛陽西北二

十里陵高十二丈周回三百步

雨水秋七月甘陵王忠薨庚

寅孝仁皇后歸葬河間愼陵徙渤海王協

爲陳留王司徒丁宮罷八月戊辰中常侍

張讓段珪等殺大將軍何進於是虎賁中

郎將袁術燒東西宮攻諸宦者庚午張讓
段珪等劫少帝及陳留王幸北宮德陽殿
何進部曲將吳匡與車騎將軍何苗戰於
朱雀闕下苗敗斬之辛未司隸校尉袁紹
勒兵收僞司隸校尉樊陵河南尹許相及
諸閹人無少長皆斬之讓珪等復劫少帝

陳留王走小平津

小平津在今鞏縣西北續漢志曰時京師童謡曰侯非侯

王非王千乘萬騎上北邙案獻帝未有爵號爲段珪等所執公卿百官皆隨其後到河上乃得還尚

書盧植追讓珪等斬數人其餘投河而死

獻帝春秋曰河南中部掾閔貢見天子出率騎追之
北到河上天子飢渴貢宰羊進之厲聲責讓等曰君
以閹宦之隸刀鋸之殘越從洿泥扶持日月賣弄國
恩階賤爲貴劫迫帝主蕩覆王室假息漏刻遊魂河
津自亡新以來姦臣賊子未有如君者今不速死吾
射殺汝讓等惶怖叉手再拜叩頭向天子辭曰臣等
死陛下自愛

帝與陳留王協夜步逐熒光行

遂投河而死

數里得民家露車共乘之辛未還宮大赦
天下改光喜爲昭寧并州牧董卓殺執金
吾丁原司空劉弘免董卓自爲司空九月
甲戌董卓廢帝爲弘農王自六月雨至于
是月

論曰秦本紀說趙高譎二世指鹿爲馬

史記

曰趙高欲爲亂恐羣臣不聽乃先設驗持鹿獻胡亥曰馬也胡亥曰丞相誤也以問羣臣左右或言馬或

言鹿者高皆陰法中之也自此左右不敢言之也而趙忠張讓亦給靈帝

不得登高臨觀

時官官並起第宅擬則宮室帝嘗登永安候臺官官恐望見之

乃使趙忠等諫曰人君不當登高登高則百姓散離自是不敢復登臺榭見官者傳故知亡

敝者同其致矣然則靈帝之爲靈也優哉

贊曰靈帝負乘委體官孽

易曰負且乘致寇至言帝以小人而

乘君子之器

徵亡備兆小雅盡缺

詩小雅曰小雅廢則四夷交侵中國

微矣缺亦廢也

麋鹿霜露遂棲宮衛

史記曰伍子胥諫吳王吳王不

聽子胥曰臣今見麋鹿遊于姑蘇之臺宮中生荆棘
露沾衣也言帝爲政貪亂任寄不得其人尋以獻帝
遷播洛陽丘墟故麋鹿棲樓
宮衛也衛協韻音于別反

後漢帝紀卷第八

帝紀卷第九

范曄

後漢書九

唐章懷太子賢注

孝獻皇帝諱協靈帝中子也

謚法曰聰明叡智曰獻協之字

曰合張璠記曰靈帝以帝似己故名曰協帝王紀曰協字伯和

母王美人爲何

皇后所害中平六年四月少帝即位封帝

爲勃海王徙封陳留王九月甲戌即皇帝

位年九歲遷皇太后於永安宮

董卓遷也洛陽宮殿名曰

永安宮周迴六百九十八丈故基在洛陽故城中

大赦天下改昭寧爲

永漢丙子董卓殺皇太后何氏初令侍中

給事黃門侍郎負各六人

續漢志曰侍中比二千石無負漢官儀曰

侍中左蟬右貂本秦丞相史往來殿內故謂之侍中分掌乘輿服物下至褻器虎子之屬武帝時孔安國爲侍中以其儒者特聽掌御唾壺朝廷榮之至東京時屬少府亦無負駕出則一人負傳國璽操斬蛇劍乘輿中官俱止禁中又曰給事黃門侍郎六百石無負掌侍從左右給事中使關通中外應劭曰黃門侍郎每日暮向青瑣門拜謂之夕郎輿服志曰禁門曰黃闥以中人主之故號曰黃門令然則黃門郎給事黃闥之內故曰黃門郎李旣無負於此各置六人也獻帝起居注曰自誅黃門後侍中侍郎出入禁中機事頗露由是王允乃奏侍中黃門不得出入不通賓客自此始也 賜公卿以下至

黃門侍郎家一人爲郎以補宦官所領諸

署侍於殿上

靈帝建元四年改平准爲中准使宦者爲令自是諸內署令丞悉以闡人

爲之故今並令士人代領之

乙酉以太尉劉虞爲大司馬

董卓自爲太尉加鈇鉞虎賁

禮記曰諸侯賜鈇鉞然後專殺

說文曰鈇莖刃也蒼頡篇曰鈇斧也加鈇鉞者得專殺也

丙戌太中大夫楊

彪爲司空甲午豫州牧黃琬爲司徒遣使

弔祠故太傅陳蕃大將軍竇武等冬十月

乙巳葬靈思皇后白波賊寇河東

薛瑩書曰黃巾郭泰

等起於西河白波谷時謂之白波賊

董卓遣其將牛輔擊之十

一月癸酉董卓爲相國十二月戊戌司徒

黃琬爲太尉司空楊彪爲司徒光祿勳荀

爽爲司空省扶風都尉置漢安都護

扶風都尉

比二千石武帝元鼎四年置中興不改至此以羌擾三輔故省之置都護今總統西方

詔除光

熹昭寧永漢三號還復中平六年

初平元年春正月山東州郡起兵以討董卓

卓辛亥大赦天下癸酉董卓殺弘農王白

波賊寇東郡二月乙亥太尉黃琬司徒楊

彪免庚辰董卓殺城門校尉伍瓊督軍校

尉周秘

秘音必東觀記曰周秘豫州刺史慎之子也續漢書魏志並作慈音秘

以光

祿勲趙謙爲太尉

謝承書曰謙字彥信太尉趙戒之孫蜀郡成都人也

太

僕王允爲司徒丁亥遷都長安董卓驅徙

京師百姓悉西入關自留屯畢圭苑壬辰

白虹貫日三月乙巳車駕入長安幸未央

宮未央宮蕭何所造也張璠記曰將入宮日大雨晝晦翟雉飛入長安宮己酉董卓

卓焚洛陽宮廟及人家戊午董卓殺太傅

袁隗太僕袁基夷其族隗紹之叔父基素術之母兄卓以山東兵起依

紹術爲主故誅其親屬獻帝春秋曰尺口以上男女五十餘人皆下獄死夏五月司空

荀爽薨六月辛丑光祿大夫种拂爲司空

大鴻臚韓融少府陰脩執金吾胡母班風俗通去

胡毋姓本陳胡公之後也公子完奔齊遂有齊國齊宣王母弟別封母鄉遠本胡公近取母邑故曰胡母

氏也

將作大匠吳脩越騎校尉王瓌安集關

東後將軍袁術河內太守王匡各執而殺

之

英雄記曰匡字公節太山人也輕財好施以任俠聞爲袁紹河內太守

唯韓融獲

免董卓壞五銖錢更鑄小錢

光武中興除王莽貨泉更用五

銖錢

冬十一月庚戌鎮星熒惑太白合於尾

是歲有司奏和安順桓四帝無功德不宜

稱宗又恭懷敬隱恭愍三皇后並非正嫡

不合稱后皆請除尊號制曰可

和帝號穆宗安帝號恭宗

順帝號敬宗相帝號威宗和帝尊母梁貴人曰恭懷
皇后安帝尊祖母宋貴人曰敬隱皇后順帝尊母李

氏曰恭愍皇后

孫堅殺荊州刺史王叡

王氏譜曰叡字通曜晉太保祥

伯父也吳錄曰叡素遇堅無禮堅此時欲殺叡叡又
曰我何罪堅曰坐無所知叡窮迫刮金飲之而死

殺南陽太守張咨

二年春正月辛丑大赦天下二月丁丑董

卓自爲太師表術遣將孫堅與董卓將胡

軫戰於陽人

陽人聚名屬河南郡故城在今汝州梁縣西史記秦滅東周徙其君於陽

人聚即此地也

軫軍大敗董卓遂發掘洛陽諸帝

陵夏四月董卓入長安六月丙戌地震秋

七月司空种拂免光禄大夫濟南淳于嘉

爲司空太尉趙謙罷太常馬日磾爲太尉

九月蚩尤旗見于角亢

天官書曰蚩尤之旗類彗而後曲象旗熒惑之

精也呂氏春秋云其色黃上白下見則王者征伐四方角亢蒼龍之星

冬十月壬戌

董卓殺衛尉張溫十一月青州黃巾寇太

山太山太守應劭擊破之黃巾轉寇勃海

公孫瓚與戰於東光復大破之

東光今滄州縣

是

歲長沙有人死經月復活

三年春正月丁丑大赦天下袁術遣將孫

堅攻劉表於襄陽堅戰歿袁紹及公孫瓚

戰于界橋

今貝州宗城縣東有古界城近枯漳水則界橋在此也

瓚軍大

敗夏四月辛巳誅董卓夷三族司徒王允

錄尚書事揔朝政遣使者張种撫慰山東

青州黃巾擊殺兗州刺史劉岱於東平東

郡太守曹操大破黃巾於壽張降之五月

丁酉大赦天下丁未征西將軍皇甫嵩爲

車騎將軍董卓部曲將李傕郭汜樊稠張

濟等反攻京師六月戊午陷長安城太常

種拂太僕魯旭大鴻臚周奐

三輔決錄注曰
奐字文明茂陵

人城門校尉崔烈越騎校尉王頡並戰歿

頡音祈

吏民死者萬餘人李傕等並自爲將

軍己未大赦天下李傕殺司隸校尉黃琬

甲子殺司徒王允皆滅其族丙子前將軍

趙謙爲司徒秋七月庚子太尉馬日磾爲

太傅錄尚書事八月遣日磾及太僕趙岐

持節慰撫天下車騎將軍皇甫嵩爲太尉

司徒趙謙罷九月李傕自爲車騎將軍郭

汜後將軍樊稠右將軍張濟鎮東將軍濟
出屯弘農甲申司空淳于嘉爲司徒光祿
大夫楊彪爲司空並錄尚書事冬十二月
太尉皇甫嵩免光祿大夫周忠爲太尉參
錄尚書事

四年春正月甲寅朔日有食之

袁宏紀曰時未晡八刻太

史今王立奏曰晷過度無變也朝臣皆賀帝令候焉未晡一刻而食賈詡奏曰立司候不明疑誤上下請付理官帝曰天道遠事驗難明

欲歸各史官益重朕之不德也丁卯大赦天下

三月袁術殺楊州刺史陳溫據淮南長安

宣平城門外屋自壞

三輔黃圖曰長安城東面北頭門也

夏三

月癸酉無雲而雷六月扶風大風雨雹華

山崩裂太尉周忠免太僕朱雋爲太尉錄

尚書事下邳賊闕宣自稱天子

風俗通曰闕姓也承闕黨

童子之後也縱橫家有闕子著書

雨水遣侍御史裴茂訊詔

獄原輕繫六月辛丑天狗西北行

前書音義曰有聲爲

天狗無聲爲枉矢

九月甲午試儒生四十餘人上第

賜位郎中次太子舍人下第者罷之詔曰

孔子歎學之不講

講習也論語之文

不講則所識

日忘今耆儒年踰六十去離本土營求糧

資不得專業結童入學白首空歸長委農

野永絕榮望朕甚愍焉其依科罷者聽爲

太子舍人

劉艾獻帝紀曰時長安中爲之謠曰頭白皓然食不充糧褰衣褰裳當還故鄉

聖主愍念悉用補郎舍是布衣被服立黃

冬十月太學行禮車駕辛

永福城門臨觀其儀賜博士以下各有差

辛丑京師地震有星孛于天市

表宏紀曰孛于天市將從

天子移都其後上東遷之應也

司空楊彪免太常趙溫爲司

空公孫瓚殺大司馬劉虞十二月辛丑地

震司空趙溫免乙巳衛尉張喜爲司空

帝獻

春秋曰
喜作嘉

是歲琅邪王容薨

興平元年春正月辛酉大赦天下改元興

平甲子帝加元服二月壬午追尊謚皇妣

王氏爲靈懷皇后甲申改葬于文昭陵丁

亥帝耕于藉田三月韓遂馬騰與郭汜樊

稠戰於長平觀遂騰敗績左中郎將劉範

前益州刺史种劭戰歿

前書音義曰長平阪名也上有觀在池陽宮南

去長安五十里今涇水南原畦城是也
秦宏紀曰是時馬騰以李傕等專亂以益州刺史劉焉宗室大臣

遣使招引共誅惟焉遣子範將兵就騰故涼州刺史
種劭太常拂之子也拂爲惟所害劭欲報仇遂爲此

戰夏六月丙子分涼州河西四郡爲龐州

謂金城酒泉
燉煌張掖丁丑地震戊寅又震乙巳晦日

有食之帝避正殿寢兵不聽事五日大蝗

秋七月壬子太尉朱雋免戊午太常楊彪

爲太尉錄尚書事三輔大旱自四月至于

是月帝避正殿請雨遣使者洗囚徒原輕

繫洗謂蕩
滌也是時穀一斛五十萬豆麥一斛

二十萬人相食啖白骨委積帝使侍御史

侯汶出太倉米豆爲飢人作糜粥經日而死者無降帝疑賦卹有虛乃親於御坐前量試作糜乃知非實

袁宏紀曰時敕侍中劉艾取米豆五升於御前作糜

得滿三盂於是詔尚書曰米豆五升得糜三盂而人委頓何也

使侍中劉艾出

讓有司於是尚書令以下皆詣省閣謝奏收侯汶考實詔曰未忍致汶于理可杖五十自是之後多得全濟八月馮翊羌叛寇屬縣郭汜樊稠擊破之九月桑復生堪人得以食司徒淳于嘉罷冬十月長安市門

自壞以衛尉趙溫爲司徒錄尚書事十二

月分安定扶風爲新平郡是歲楊州刺史

劉繇與袁術將孫策戰于曲阿策字伯符孫堅子曲阿今

潤州繇軍敗績孫策遂據江東吳志曰孫策既破繇遂度

兵據會稽策自領會稽太守太傅馬日磾薨于壽春壽春縣名

屬九江郡今壽春縣也

二年春正月癸丑大赦天下二月乙亥李

傜殺樊稠而與郭汜相攻三月丙寅李傜

脅帝幸其營焚官室夏四月甲午立貴人

伏氏爲皇后丁酉郭汜攻李傕矢及御前

山陽公載記曰時弓弩並發矢下如雨及御所止高樓殿前帷廉也是日李傕移

帝幸北塢

服虔通俗文曰營居曰塢一曰庫城也山陽公載記曰時帝在南塢傕在北塢

時流矢中傕左耳乃迎帝幸北塢帝不肯從強之乃行

大旱五月壬午李

傕自爲大司馬六月庚午張濟自陝來和

傕汜秋七月甲子車駕東歸郭汜自爲車

騎將軍楊定爲後將軍楊奉爲興義將軍

董承爲安集將軍並侍送乘輿張濟爲票

騎將軍還屯陝八月甲辰幸新豐冬十月

戊戌郭汜使其將伍習夜燒所幸學舍逼

脅乘輿楊定揚奉與郭汜戰破之壬寅幸

華陰露次道南是夜有赤氣貫紫宮

獻帝春秋

曰赤氣廣六七尺東至寅西至戌地張濟復反與李傕郭汜合

十一月庚午李傕郭汜等追乘輿戰於東

澗王師敗績殺光祿勳鄧泉衛尉士孫瑞

廷尉宣播大長秋苗祀

獻帝春秋播作藩也

步兵校尉

魏桀侍中朱展射聲校尉沮鵠

風俗通曰沮姓也黃帝時

史官沮誦之後音側余反壬申幸曹陽露次田中

曹陽澗名在今陝州

西南七里俗謂之七里澗崔浩云自南山北通於河揚奉董承引白波帥

胡才李樂韓暹及匈奴左賢王去卑率師

奉迎與李傕等戰破之十二月庚辰車駕

乃進李傕等復來追戰王師大敗殺略官

人少府田芬大司農張義等皆戰歿進幸

陝夜度河乙亥幸安邑是歲袁紹遣將麴

義與公孫瓚戰於鮑丘

鮑丘水名出北塞中南流經九莊嶺東俗謂之

大榆河又東南經漁陽縣故城東是瓚之戰處見水經注

瓚軍大敗

建安元年春正月癸酉郊祀上帝於安邑

大赦天下改元建安二月韓暹攻衛將軍
董承夏六月乙未幸聞喜秋七月甲子車
駕至洛陽幸故中常侍趙忠宅丁丑郊祀
上帝大赦天下己卯謁大廟八月辛丑幸
南宮楊安殿癸卯安國將軍張楊爲大司
馬韓暹爲大將軍楊奉爲車騎將軍是時
宮室燒盡百官披荆棘依牆壁閒州郡各
擁彊兵而委輸不至羣僚飢乏尚書郎以
下自出採稻

稻音呂埤蒼曰稽
自生也和與稽同

或飢死牆壁

間或爲兵士所殺辛亥鎮東將軍曹操自
領司隸校尉錄尚書事曹操殺侍中臺崇
尚書馮碩等

風俗通曰金天氏裔孫曰臺駘其
後氏焉山陽公載記曰臺字作壺封

衛將軍董承爲輔國將軍伏完等十三人
爲列侯贈沮雋爲弘農太守庚申遷都許
已巳幸曹操營九月太尉楊彪司空張喜
罷冬十一月丙戌曹操自爲司空行車騎
將軍事百官總已以聽

二年春袁術自稱天子三月袁紹自爲大

將軍夏五月蝗秋九月漢水溢是歲飢江淮間民相食袁術殺陳王寵孫策遣使奉貢

三年夏四月遣謁者裴茂率中郎將段熲

討李傕夷三族

獻帝起居注曰傳傕首到許有詔高懸之也

呂布

叛冬十一月盜殺大司馬張楊十二月癸

酉曹操擊呂布於徐州斬之

四年春三月袁紹攻公孫瓚于易京獲之

公孫瓚頻失利乃臨易河築京以自固故號易京其城三重周回六里今內城中有土京在幽州歸義縣

南爾雅曰絕高謂之京非人力爲之丘

衛將軍董承爲車騎將

軍夏六月表術死是歲初置尚書左右僕

射武陵女子死十四日復活

續漢志曰女子李娥年六十餘

死瘞於城外有行人聞冢中有聲告家人出之

五年春正月車騎將軍董承偏將軍王服

越騎校尉种輯受密詔誅曹操事洩壬午

曹操殺董承等夷三族秋七月立皇子馮

爲南陽王壬午南陽王馮薨九月庚午朔

日有食之詔三公舉至孝二人九卿校尉

郡國守相各一人皆上封事靡有所諱曹

操與袁紹戰於官度

裴松之北征記曰中牟臺下臨汴水是爲官度袁紹

曹操壘尚存焉在今鄭州中牟縣北

紹敗走冬十月辛亥有星

孛于大梁

大梁西之分

東海王祗薨是歲孫策死

爲許貢客所射傷

弟權襲其餘業

權字仲謀

六年春三月丁卯朔日有食之

七年夏五月庚戌袁紹薨于賓國獻馴象

馴象謂隨人意也

是歲越雋男子化爲女子

八年冬十月己巳公卿初迎冬於北郊

禮

久廢故

總章始復備八佾舞

表宏紀云迎氣北郊始用八佾

佾列也謂舞者之行列往因亂廢今始備之總章樂官名古之安代樂

初置司直官

督中都官

司直秩比二千石武帝元狩五年置掌佐丞相舉不法也建武十一年省今復

置之

九年秋八月戊寅曹操大破袁尚平冀州

自領冀州牧冬十月有星孛于東井十二

月賜三公已下金帛各有差自是三年一

賜以爲常制

十年春正月曹操破袁譚於青州斬之

魏書

曰操攻譚不剋乃自執桴鼓應時破之

夏四月黑山賊張燕率

衆降

魏志曰燕本姓褚常山真定人也黃巾起燕合聚少年爲羣盜萬餘人博陵人張牛角爲

主牛角死燕代爲主故改姓張燕剽勇軍中號曰張飛燕衆至百萬號曰黑山賊

秋九月

賜百官尤貧者金帛各有差

十一年春正月有星孛于北斗三月曹操

破高幹於并州獲之

典論曰上洛都尉王琰敗之追斬其首

秋七

月武威太守張猛殺雍州刺史邯鄲商

袁宏

漢紀曰雍州作涼州也

是歲立故琅邪王容子熙爲琅

邪王齊北海阜陵下邳常山甘陵濟陰平

原八國皆除

十二年秋八月曹操大破烏桓於柳城斬

其蹋頓

蹋頓匈奴王號柳城縣名屬遼西郡今營州縣

冬十月辛卯

有星孛于鶉尾

鶉尾巳之分也

乙巳黃巾賊殺濟

南王贊

河間孝王五代孫

十一月遼東太守公孫康

殺袁尚袁熙

十三年春正月司徒趙溫免夏六月罷三

公官置丞相御史大夫癸巳曹操自爲丞

相秋七月曹操南征劉表八月丁未光祿

勲郗慮爲御史大夫

續漢書曰慮字鴻豫山陽高平人也少受學於

鄭玄

壬子曹操殺太中大夫孔融夷其族是

月劉表卒少子琮立琮以荊州降操冬十月癸未朔日有食之曹操以舟師伐孫權權將周瑜敗之於烏林赤壁

十四年冬十月荊州地震

十五年春二月乙巳朔日有食之

十六年秋九月庚戌曹操與韓遂馬超戰

於渭南遂等大敗關西平

曹瞞傳曰時婁子伯說操曰今天寒

可起沙爲城以水灌之可一夜而成公從之比明城
立超遂數挑戰不利操縱虎騎夾擊大破之超遂走
涼州是歲趙王赦薨

十七年夏五月癸未誅衛尉馬騰夷三族

六月庚寅晦日有食之秋七月洧水潁水

溢螟八月馬超破涼州殺刺史韋康九月

庚戌立皇子熙爲濟陰王懿爲山陽王邈

爲濟北王敦爲東海王山陽公載記曰時許靖在巴郡聞立諸王曰將

欲歛之必姑張之將欲奪之必姑與之其孟德之謂乎冬十二月星孛于

五諸侯五諸侯星名也

十八年春正月庚寅復禹貢九州

獻帝春秋曰時省幽

并州以其郡國并於冀州省司隸校尉及涼州以其郡國并爲雍州省交州并荊州益州於是有兗豫青徐荆揚冀益雍也九數雖同而禹貢無益州有梁州然梁益亦一地也

夏五月丙申

曹操自立爲魏公加九錫

案禮含文嘉曰九錫謂一曰車馬二

曰衣服三曰樂器四曰朱戶五曰納陛六曰虎賁士百人七曰斧鉞八曰弓矢九曰秬鬯

大雨

水徙趙王珪爲博陵王是歲歲星鎮星熒

惑俱入太微

是年秋三星逆行入太微守帝坐五十日

彭城王和薨

十九年夏四月旱五月雨水劉備破劉璋

據益州冬十月曹操遣將夏侯淵討宋建

于枹罕獲之

枹罕縣屬金城郡今河州縣也
魏志曰淵字妙才沛國譙人

十一

月丁卯曹操殺皇后伏氏滅其族及二皇

子

山陽公載記曰劉備
在蜀聞之遂發喪

二十年春正月甲子立貴人曹氏爲皇后
賜天下男子爵人一級孝悌力田二級賜
諸王侯公卿以下穀各有差秋七月曹操
破漢中張魯降

二十一年夏四月甲午曹操自進號魏王
五月己亥朔日有食之秋七月匈奴南單

于來朝是歲曹操殺琅邪王熙國除

坐謀欲渡

江被誅

二十二年夏六月丞相軍師華歆爲御史大夫冬有星孛于東北是歲大疫

二十三年春正月甲子少府耿紀丞相司

直韋晃起兵誅曹操不克夷三族

三輔決錄曰時有京

兆全諱字德偉自以代爲漢臣乃發憤與耿紀韋晃欲挾天子以攻魏南援劉備事敗夷三族

三月

有星孛于東方

杜預注左傳云平旦衆星皆沒而孛星乃見故不言所在之次

二十四年春二月壬子晦日有食之夏五

月劉備取漢中秋七月庚子劉備自稱漢

中王八月漢水溢冬十一月孫權取荊州

二十五年春正月庚子魏王曹操薨

魏志曰操

字孟德薨時年六十六子丕襲位

魏志曰丕字子

二月丁

未朔日有食之三月改元延康冬十月乙

卯皇帝遜位魏王丕稱天子

遜讓也獻帝春秋曰帝時召羣

臣卿士告祠高廟詔太常張音持節奉策璽綬禪位於魏王乃爲壇於繁陽故城魏王登壇受皇帝璽綬

奉帝爲山陽公

山陽縣名屬河內郡故城在今懷州脩武縣西北

邑一

萬戶位在諸侯王上奏事不稱臣受詔不

拜以天子車服郊祀天地宗廟祖臘皆如

漢制都山陽之濁鹿城

濁鹿一名濁城亦名清陽城在今懷州脩武東

北四皇子封王者皆降爲列侯明年劉備

稱帝于蜀孫權亦自王於吳於是天下遂

三分矣魏青龍二年三月庚寅山陽公薨

自遜位至薨十有四年年五十四謚孝獻

皇帝八月壬申以漢天子禮儀葬于禪陵

續漢書曰天子葬太僕駕四輪輶爲賓車大練爲屋幘中黃門虎賁各二十人執紼司空擇土造穿太史

卜日將作作黃腸題湊便房如禮大駕大僕御方相氏黃金四目蒙熊皮玄衣朱裳執戈揚楯立乘四馬

先駟旂長三万十有二旒曳地晝日月升龍書旂曰天子之極謁者二人立乘六馬爲次太常跪哭日十五舉音止哭晝漏上請發司徒河南尹先引車轉大常曰請拜送車著白絲三糾紼長三十丈圍七寸六行行五十人公卿已下子弟凡三百人皆素幘委貌冠衣素裳挽校尉三百人皆赤幘不冠持幢幡皆銜枚羽林孤兒巴俞耀歌者六十人爲六列司馬八人執鐸至陵南羨門司徒跪請就下房都導東園武士奉入房執事下明器太祝進醴獻司空將校復土耀音徒了反帝王紀曰禪陵在蜀鹿城西北十里在今懷州脩武縣北二十五里陵高二丈周回二百步劉澄之地記云以漢禪魏故以名焉

置園

邑令丞太子早卒孫康立五十一年晉太康六年薨子瑾立四年太康十年薨子秋立二十年永嘉中爲胡賊所殺國除

論曰傳稱鼎之爲器雖小而重故神之所

寶其不可奪移

左氏傳王孫滿曰桀有昏德鼎遷於商商紂暴虐鼎遷於周德之休

明雖小重也其茲回昏亂雖大輕也故言神之所寶不可奪移

至今負而趨者

此亦窮運之歸乎

言神器至重被人負而趨走者斯亦窮盡之運歸於此時

乎言不可復振也莊子曰藏舟於壑藏山於澤謂之固矣然而有力者負之而趨而昧者不知

天厭

漢德久矣山陽其何誅焉

厭倦誅責也漢自和帝以後政教凌

遲故言天厭漢德久矣禍之來也非獨山陽公之過其何所誅責乎左傳曰宋子魚曰天既厭商德孔子

曰於子予何誅

贊曰獻生不辰身播國屯

辰時也播遷也言獻帝生不逢時身

既播遷國又屯難詩曰我終我四百永作虞賓
生不辰左傳曰震蕩播越春秋孔演圖曰劉四百歲之際褒漢王輔皇王以期
有名不就宋均注曰雖褒族人為漢王以自輔以當
有應期名見攝錄者故名不就也虞賓謂舜以堯子
丹朱為賓商書曰虞賓在位是也以喻山陽公為魏
之賓也

後漢帝紀卷第九

